



3088

II

Mon. St. D<sup>m</sup>Poes 1432.

*Monasterium Jos. Ep. S. Adalbertus per praei-  
qua aeternum suae vitae capita be-  
vibus metris celebratus.*

POETAE POLON

~~N. 91.~~



Ad usum Bibliothecae Thomae Universitatis Graevianae  
huc, quod est opellae, d. d. d. Tutor.

---

Mindfower

Ap Green.



S. ADALBERTUS

GNESNENSIIUM ARCHI-PRAESUL

DIVINISSIMUS.

REGNIQUE POLONIAE

PRINCEPS PATRONUS.

*Per praecipua actorum vitae suae capita*

BREVIBUS METRIS.

SIVE EPIGRAMMATIS DESCRIPTA.

CELEBRATUS.



VARSAVIÆ

1784.



S. ADALBERTUS

QUESTORIUM ARCHIEPISCOPI

DIVINIS

REGNIQUE POLONIE

PRINCIPIS PATRONUS

IN

NOMEN ET STEMMA

ILLUSTRISSIMI KIOVIENSIIUM

PRAESULIS.

*Aurea dona ferens GASPAR, Te nomine PRAESUL*

*Signavit: clarum stemma COLUMNA dedit.*

*Aurea sacra Tibi portendit nominis omen.*

*At patriæ columnen Te fore, stemma notat.*

C. R. B. D. P.  
VNIV.  
ORACOVENSIS

3088. II.



ILLUSTRISSIMO

EXCELLENTISSIMO

REVERENDISSIMO DOMINO

GASPARO COLUMNA

CIECISZOWSKI

Dei & Apostolicæ Sedis gratiâ

EPISCOPO

KIOVIENSI & CZERNIECHOVIENSI. Præposito Infulato MIE-  
CHOVIENSI Regii Ordinis S. STANISLAI Equiti &c. &c.

PRAESULI.

SI PIETATEM & VITÆ INTEGRITATEM SPECTES,  
SACERRIMO:

SIDOCTRINAM LEGIBUS PRUDENTIÆ TEMPERATAM,  
IN PAUCIS NUMERANDO:

SI JUSTITIAM IN SACRIS DICASTERIIS,  
THEMIDIS ORACULO:

SI MORUM ELEGANTIAM, ANIMIQUE CULTURAM:  
CULTISSIMO: POLITISSIMO:

SI ORIS VERECUNDIAM, SVAVITATEMQUE SERMONIS,  
MODESTISSIMO: AFFABILISSIMO:



atque ut paucis multa consignem,  
præclaris omnibus animi ac ingenii dotibus

ORNATISSIMO.

JOS. EPIPH. MINASOWICZ

Eccles. Cathedr. Kiiowien: Canonicus  
auspiciatissimum Eidem ad Cathedram suam ingressum  
gratulans,

Omnia fausta, omnia læta, omnia prospera,  
devotiss: animo precatur.

Hocque de D. ADALBERTO exiguum Carmen,  
exigui quidem ingenii, sed non exigui affectûs & vo-  
luntatis indicium;

Gratique anieni & summe observantie monumentum:  
Senex septuagenario proximus,  
DICAT CONSECRATQUE.



S ADALB.



S. ADALBERTUS

PRAGENSIS primùm, GNESNENSIS dein  
ARCHIEPISCOPUS ET MARTYR.  
REGNI POLONIAE PATRONUS.

I.

*Nasctur patre Slawnik, Comite in Libick (a).*

Si quid habet laudis, magno de sanguine nasci,

Et cumulant aliquod stemmata clara decus:

Nec tibi, magne Puer, titulos Lucina negavit,

Quos tua purpureo fudit origo sinu.

Integra te Comitum comitatur curia natum,

Quomodo te famulus non comitetur honor?

II.

*Matre Strzeżyńska. (b)*

Nolo tuas fervet, stirps ô clarissima! cunas,

Hesperidum servans aurea mala draco,

Attineat Phrygiis Corybantes Ida cavernis,

Ut puerum servet turba ministra Jovem:

Hesperio cum sis fructus pretiosior auro,

Et superes celso mentis honore Jovem;

Ne perens, alium vigilem tibi providet æther.

Nempe suo custos nomine mater erit.

A

(a) Henrici I. Imp. cognomento Aucupis, ex germana sorore ux.  
pote.

(b) Boleslai I. Principis Bohemia filia.



### III.

*In idem.*

Sis secunda tuæ dominans Ecclesia famæ,  
Ut velit, hanc Stygius tollere prædo nequit.  
En tibi tam cari custodem pignoris Argum,  
Providet addicti sollicitudo poli!  
De *Strzeżyława*. (c). Roseus (l) qui nascitur Infans,  
Argus erit famæ, vate parente, tuæ.

### IV.

*Aeger Virginitis Deiparæ patrociniò commendatur & convalescit.*

Invidus è terris ut te subduceret æther,  
Parvula lethiferam misit in ossa febrim.  
Jamque grayante malo, steteras in limine mortis,  
Ni tibi subsidio Virgo MARIA foret.  
Vidit ut illa tuum nocuo discrimen ab æstu,  
Ne metuas, inquit, non moriêre Puer!  
Ut male flagrantis cures incendia mundi,  
Febribus ipsa tuis nunc medicabor ego.  
Tum demùm vides stellantis littora Cœli,  
Dum Sacrum feriet nautica tonsa caput.

### V.

*In idem.*

Involat occultus furtim tua corpora morbus,  
Spargit & ardentes tota per ossa faces.  
Quidquid agat Chiron, rabidos non mitigat ignes,  
Prævalet & medicâ grandior æstus ope,  
Anxia tum genitrix ad proxima funera nati,  
Divinæ Matri supplicat: affer opem!  
Ista tuos æstus, tua curat vulnera Mater,  
Ista sit indomito certa medela malo.

(c) *Strzeżyława ex Pol. aut, si mavis, Bohem. idem quod custodiens famam.*  
(d) *Armorum Rosa, vulgo Pokry.*

Altera te genuit vitæ, dedit altera vitam:

Quæ dedit, an non hæc jure priore Parens?

### VI.

*In idem.*

Ut tibi restituat fugitivam, Pusio, vitam,  
Deficit ingenio, deficit arte Pæon.  
Sic ubi delusâ medicus nil proficit arte,  
Mater opem poseit, Virgo MARIA! tuam.  
Audiit hæc lachrimas, providit pharmaca morbo,  
Atque ægrum subito convalescere iubet,  
Reddis ADALBERTO vitam Sanctissima Virgo!  
Quid mirum? Vitæ diceris, esque Parens.

### VII.

*In idem.*

Virginæ genitrix ægrum vix devovet aræ,  
Cum domat invisam, Virgo miserta, lucem.  
Protinus exacti fugiunt è corpore morbi,  
Cur fugiunt? ara hæc, arrha salutis erat.

### VIII.

*Totum psalterium ediscit, antequam domo patris egrediatur.*

Jam te succrescens annis & moribus ætas,  
Privatæ iussit linquere tecta domûs,  
Jam vigor in lucem latebris prodire ciebat,  
Nobilis egregiâ dexteritate vigor.  
Sed Pater in solem quàm te dimittat ab umbris,  
Regia Davidis discere metra iubet.  
Obsequeris, iussusque pii genitoris adimplens,  
Jesæum properas condidicisse melos.  
Traxerit auritas olim thelys Orphea sylvas,  
Tu melico Regiæ carmine sceptrâ trahes.



## IX.

*Magdeburgensi Episcopo erudiendus traditur.*  
 Quæsit ALBERTUM patris spes publica testis,  
 Qui iam Præsulea cæperat esse domo.  
 Sed quia non reperit, magnatum inquit in aulis:  
 Quò meus ALBERTUS, quò meus ivit amor?  
 Mox adit & Regum postea, sed Regia dixit;  
 Non hic, ast alio quærere perge loco,  
 Pontificum demùm per sacra palatia quærit,  
 Hocque suum reperit sub lare læta decus.  
 Tunc ubi Præsuleis te vidit in ædibus, inquit:  
 Magne Puer! pilei gemma bicornis eris.

## X.

*Episcopus illi, suum Adalberti nomen, in confirmatione imponit.*  
 Ex quo Præsulea fuerat concreditus aulæ,  
 Integer emensis mensibus annus iit.  
 Dotibus hic tantis effulsit, & indole tantâ,  
 Præsulis ut summo dignus amore foret.  
 Qui dum mente agitatur, quasi testetur amorem  
 Munere, quæ meritis præmia digna ferat?  
 Præsuleum nomen tibi dat pro munere: quod iam  
 Tum tibi præfulei muneris omen erat.

## XI.

*Pragensium Episcopus designatur.*  
 Rectorem viduae dum quæris, Praga, Cathedræ;  
 Pastoremque, tuâ qui regat urbe, gregem;  
 Sollicitæ curam, pia vota, precesque gementis,  
 Detulit ad Latium, nuntia fama Tybrim.  
 Qui tua vota volens impleri Præsule grato,  
 Pastorem, ALBERTUM, iussit esse gregis:  
 Cum bonus (inquit) odor sit Christi, sit tibi quidam,  
 Gratus? gentilis gratus odore Rosæ.

## XII.

*Dæmonis reclamantibus.*  
 Vocibus insonuit ferè tota Bohemia lætis,  
 Dum tua Præsuleus tempora oinxit apex.  
 Unicus, hæc inter gemeret qui gaudia, mæstus,  
 Et stridulis fremeret dentibus, oscus erat.  
 Scilicet, extimuit nova fonti verbera tergo.  
 Dum tua dextra pedum pontificale capit.

## XIII.

*Pragam vili equo invehitur.*  
 Jam tibi Præsuleam concessit Roma tiaram,  
 Pastoremque, suum iussit adire gregem.  
 Cum tibi nescio quis vanus svadere: Cathedram  
 Ut pompâ splendenti ingrediare tuam:  
 Currus tui fulvi rutillet fulgore metalli,  
 Sexiugis currus conspicendus eqvis.  
 Ardeat in frænis adamas, iuba fulgeat auro,  
 Argentum in soleas arcuet arte faber.  
 Hoc Sangvis Comitum iubet, hoc iubet iacula princeps,  
 Poscit & introitus publica fama tui.  
 At tu: cum Solymas Princeps meus intret asello,  
 Me ferat auratis rheda superba rotis?  
 Si volo palmarum virides celebrare triumphos,  
 Me quoque, qui Dominum, vilis asello vehe!

## XIV.

*Fræno cannabeo ulens.*  
 Aurea fræna alibi, vector sessor superbus  
 Fulvis & phaleris, ore remordet equus:  
 At tibi non mandit gemmata capistra veredus,  
 Rustica quem tortâ cannabe fræna regunt.  
 Præstius ad brutos te gressum ferre Bohemos,  
 Effræni portas apta capistra gregi.



XV.

*Pedes adit Cathedram.*

Attigeras Præsul i ragam divine biurbem,  
Ut caperes Cathedræ jura decusque tuæ.  
Obvrat effuso numerosior agmine Clerus,  
Cum peditem Sacram cernit adire Domum,  
Nosceite Pastorem: premat ut vestigia vulgus,  
Huic præsit exemplo prodromus ipse suo.

XVI.

*Quartâ parte proventuum contentus.*

Annua quos census tibi convehit orbita Præsul,  
Provida quadruplici dextera parte secat.  
Tres inopi vulgo cedunt in munera partes,  
Quarta tuam tenui providet ære penum.  
Ne posthâc Charitum triplex, sit fabula, nexus:  
Tripliciter Charitas distribuendo facit.

XVII.

*Dies media prandentem, nox media dormientem nunquam vidit.*

Se medio quamvis Titan librayit in axe,  
Delibas medio fereula nulla die;  
Luna pigris medium subiit iam bobus olympum,  
At tibi non mediâ nocte petita quies.  
Cur solitas medii non ferves temporis horas?  
In summo virtus iam tua quippe fuit.

XVIII.

*In lapide quiescit.*

Quam vigili proprium curâ custodis Ovile:  
Testatur capitis eulcitra, nempe lapis.

XIX.

*In idem. Piratica Stygis.*

Velivolis nuper sulcabat classibus æquor,  
Ad rapienda polo lucra, pirata Satan.

Navis erat livor: mundus mare: vela cupido:

Eumenides nautæ: Typhis at ipse Satan.  
Sic ubi prædator vehitur feliciter orci,  
Et sibi non dubias iam fore spondet opes.  
Vidit ADALBERTUS, quid latro tentet averni,  
Atque gemens: ô hanc perditæ saxa ratem!  
Dixit: mox lapidem rapiens, sub tempora sternit.  
Ut stygiæ scopulus sit lapis iste rati.

XX.

*Ob scelera populi, Cathedram deserit.*

Morigeram vovit tibi plebs concredita mentem,  
Vovit & ad nutus flexilis esse tuos.  
Cum simul, insano furiata recalcitrat oestro,  
Tendit & omnigenis carbasa plena malis:  
Sanctior ad vetitum coelebs ruit ordo Thalassum,  
Thaïde multiplici tæda marita calet.  
Christicolæ pretio coëmit recubitus Apella,  
Polluit agnatos cæca libido thoros.  
Pæné Thyesteas fert cruda Bohemia mensas,  
Quid mirum? quod tu Sol fugis hocce solum.

XXI.

*Hierosolymam se confert.*

Sponte tuus Præsul Solymas abit exul in oras,  
Dum quodvis donas urbe, Bohemæ, scelus.  
Nempe ardens profugam populo revocare salutem,  
Migrat in has partes, est ubi nata Salus.

XXII.

*In idem.*

E patria profugus, Solymam descendis ad urbem,  
An cupis hic pariter pro grege fonte mori?



## XXIII.

*Quinquennio se abdit in quodam D. Benedicti monasterio.*

Dum maledicta fugis populi delicta Bohemi,  
Ad Benedictinos traicis inde lares.  
Hic tibi pro patrio stationem deligis orbe,  
Hoc menses quinas transigis inque loco.  
Dulcia delectant hic te consortia vitæ,  
Quæ nimis in patrio fluxit amara solo.  
Cur legis ante alios Benedictum, Dive, Patronum?  
An vis, ille tuas ut benedicat oves?

## XXIV.

*Revertitur ad suos, atque iterum abit.*

Anxia pupillam cruciabant tædiâ Pragæ,  
Quod sine te tristes duceret orba dies.  
Crebra perorabant lachrymis suspiria fufis;  
Redde iubar nostro, Sol fugitive! polo.  
Percipis invitus simulati verba doloris,  
Et repetis verso tecta relicta gradu.  
Sed citò pertæsum revocas à limite gressum,  
Cur? quia non Præsul gentis, at exul eras.

## XXV.

*Transit ad convertendam Hungariam.*

Ceu qui Caucasii mandat sua semina faxis,  
Sic tua nil fructûs sollicitudo tulit.  
Constitit immenso tibi vinea culta labore,  
Germina sed sterili palmitè nulla dedit.  
Effuso quoties illam sudore rigasti,  
Nil tamen ad fructum contulit iste latex.  
Dum tuæ formosos expectant vota racemos,  
Labruscas sterili vinea reddit agro.  
Ergo ad Pannonias contendis, Apostole, terras,  
Proventu sperans uberiore frui,

KL

Et bene: facundo tellus quæ frondet saccho,  
Virtutum similes proferet illa botros.

## XXVI.

*Inde in Poloniam.*

Semine iam fidei suscepto, Pannonis ora  
Præsulem dederat gaudia mille spei.  
Jam probitas crebris gemmabat adulta racemis,  
Jam lachrymæ liquido profuere mero.  
Pampinus in flores abiit, flos protulit uvæ,  
Sudavit succis uvæque pressa suis.  
Hinc iterum fervens studio, nova tendis in arva,  
Sarmaticamque petis guavus arator humum.  
Nec sterili Lechicos sulcasti vomere campos:  
Panno botros, messem terra Polona dedit.

## XXVII.

*Archiepiscopus Gnesnensis creatur.*

Hic, ubi sunt Lechici prima incunabula regni,  
Est urbs, à nido nobile nomen (e) halens.  
Hic quoque Tarpeiâ nuper transmissus ab arce,  
Præsuleus primum nidificavit honor.  
Vittatos aliquot numeravit iam sacra Mystas  
Insula, iam sedit fronte, Roberte, tuâ.  
Sed tibi Præsulei flamen præcidit honoris  
Atropos, inde vacans morte curulis erat.  
Quis capiat fasces? dum Rex deliberat anceps:  
Præsul ADALBERTUS denique, dixit, erit.  
Qui fidei nidum spatiis ingentibus auxit,  
Huic tu Gnesnensis cinge tiara caput!

(e) Gnesna, Poloniis Gniezno, quasi Gniazdo, quod nîdus Latinis.



## XXVIII.

*Hymnum Theotocos (Bogarodzica) Virgini Matri dicatum, inque bellis olim ante conflictum a Polonis occidit solitum, componit.*

Irruit in Lechiam quoties hostilis Enyo,  
Supplicat Aemonio Lecchia tota Deo.  
Audiit ALBERTUS, quod Sarmata nomen adoret,  
Quæ præest pugnas tessera læta trucesidit.  
Ne posthuc igitur vocet in sua vota Gradivum,  
Substituit sicco numina vera Deo,  
Virgineæ Matri concinnans carmine laudes:  
Hæc, ait, Augustam sollicitate prece:  
Quæ stygias acies vicit, vim fregerat orci,  
Vincet & hostiles auxiliata globos.

## XXIX.

*In idem.*

Super illud: *terribilis ut Castrorum acies ordinata.*  
Dimicet ut Lechicus sauctis exercitus armis.  
Virginis hunc laudes ore sonare iubes.  
Nempe quis infestos feliciter opprimat hostes?  
Quam quæ terribili nomine castra gerit.

## XXX.

*Evangelium prædicans in Prussia, remis occiditur.*  
Jam Fidei lumen geminis accenderat oris:  
Nempe tuis Panno! Sarmata nempe tuis!  
Cumque Deo plures agitat conquirere terras,  
Quas tibi subiectas Parrhasis ursa vides.  
Eripitur terris subito mox turbine: namque  
Pontificem remis Prussia sœva necat.  
Iam pete Nauta polum: dat barbara Prussia remos,  
Proque fide fufus dat tibi sanguis aquas.

## XXXI.

*Corpus ejus in librâ auro contra appensum, dum à Rege Boleslao redimitur, vix aliquid ponderat.*

Audiit immanis facinus crudele Borussi  
Rex pius, & mæstis ora rigavit aquis.  
Jam voluit rabiem justis ulciscier armis,  
Sed placuit tandem vim cohibere morâ.  
Ut tamen exuvias truculento tollat ab hoste.  
Decernit pretio nobile pignus emi.  
Impositum libræ dum contra penditur auro  
Corpus, vix credas, quam leve pondus erat,  
Pro cumulis auri (quos nempe vorabat avara  
Iam spes) vix aliquot ponderat uncias.  
Contulit has illi cælestis gloria dotes,  
Queis gaudent Divum corpora sancta polo.













